

ANG PAG-AMPO ALANG SA

Waykatapusang Kinabuhi

(Visayan Version)

R. B. THIEME, JR.

ANG PAG-AMPO ALANG SA *Waykatapusang Kinabuhi*

Kini nga pag-ampo gipahinungud ngadto kang bisan-kinsa nga walay Kristo, walay paglaum, walay waykatapusang kinabuhi. Si Jesu-Kristo sa personal mihunahuna kanimo sa dihang Siya miadto sa krus. Ang matag sala nga imong mabuhat gayud—nangaging-panahon, karon, o umaabot—giimpyut ngadto Kaniya ug gihukman aron nga niining higayona ikaw makaangkon sa waykatapusang kinabuhi.

Ang waykatapusang kinabuhi sama ra kaduul diha kanimo sa imoha mismong kalag. Sa imong kalag ikaw adunay kabubut-on. Ang waymerito nga pagpadayag sa kabubut-on maoy gitawag og pagtoo. Ang hingtungdan sa pagtoo sa tanang-higayon nakabaton sa merito. Diha sa waykatapusang kaluwasan, ang hingtungdan sa pagtoo mao ang atong Ginoong Jesu-Kristo, kinsa mipas-an sa atong mga sala diha sa lyang kaugalingong lawas ibabaw sa krus.

Siya [Dios] mihimo Kaniya [Kristo] kinsa nasayod nga walay sala nga mahimong sala alang sa atong kaayohan [isip usa ka Puli alang kanato], aron nga kita mamahimong pagkamatarong diha sa Dios pinaagi Kaniya. (2 Mga Taga-Corinto 5:21)

Bisan asang dapita ka man karon, ang waykatapusang kinabuhi maangkon nimo.

Bisan-kinsa nga nagatoo diha Kaniya dili gayud malaglag, kundili makabaton og waykatapusang kinabuhi. (Juan 3:16b)

Sulud sa praybasi sa imong kalag ikaw adunay kagawasan. Ikaw gawasnon sa paggamit sa imong pagpili alang sa waykatapusang kinabuhi. Ikaw gawasnon, busa, niining higayona sa pagpanag-iya sa waykatapusang kinabuhi pinaagi sa pagtoo diha ni Jesu-Kristo. Ang isyu:

Siya nga nagatoo diha sa Anak [Jesu-Kristo] adunay waykatapusang kinabuhi; apan siya nga wala nagatoo sa Anak dili makakita sa kinabuhi, kundili ang kaligutgut sa Dios nagapabilin diha kaniya. (Juan 3:36)

Ang kapilian: Imong panghunahuna mahitungud ni Kristo ang nagadeterminar sa imong waykatapusang kaugmaon; sa pagtoo diha Kaniya—waykatapusang kinabuhi; sa pagsalikway Kaniya—waykatapusang pagsilot.

Pagkasayon gayud ang kaluwasan. Sulud sa praybasi ug kagawasan sa imong kalag, pagporma sa mga kapahayag sulud sa hunahuna lamang, pagsulti sa hilum, ikaw makasulti sa Dios Amahan nga ikaw nagtoo diha ni Jesu-Kristo, ug mao kana ang takna sa waykatapusang kinabuhi alang kanimo. Ikaw makahimo pagtoo diha ni Jesu-Kristo; ikaw makahimo pagpahayag sa imong pagtoo ngadto sa Dios nga Amahan karon dayon. Kini nga pagtoo usa ka pribadong butang tali kanimo ug sa Dios. Nasangkap sa Dios ang Iyang katungdanan sa kaluwasan—ang Amahan mipadala sa Anak; ang Anak miadto sa krus. Ang Amahan miimpyut sa atong mga sala ngadto ni Kristo ibabaw sa krus ug mihukum kanila. Ang nahibilin anaa ra kanimo. Sa bisan-hain ikaw makahimo pagtoo diha ni Kristo alang sa waykatapusang kinabuhi o pagsalikway Kaniya alang sa waykatapusang pagsilot. Ang pagpili anaa ra kanimo.



R. B. THIEME, JR., BIBLE MINISTRIES

P. O. BOX 460829

HOUSTON, TEXAS 77056-8829

(713) 621-3740

www.rbthieme.org

© 1993 ni R. B. Thieme, Jr. Ang Tanang Katungud Gitagana.

**Ang mga Kasulatan gihubad gikan sa orihinal nga teksto sa
*Apostasy in the Land***

Gihubad ngadto sa Binisaya nga pinulongan ni Jerome L. Salutan.
Gitan-aw pagbalik nila ni Amado D. Carejo, David C. Vicoy ug Raflyn H. Salutan.
Gipatik nga may pagtugot sa R. B. Thieme, Jr., Bible Ministries, 2021.